

歷代詩話



山房隨筆

歷代詩話第十五冊

元

蔣正子

著

後學

何文煥

訂

辛稼軒帥浙東時晦菴南軒任倉憲使劉改之
欲見辛不納二公為之地云某日公燕至後筵
便坐君可來門者不納但喧爭之必可入既而
改之如所教門外果誼譁辛問故門者以告辛
怒甚二公因言改之豪傑也善賦詩可試納之
改之至長揖公問能詩乎曰能時方進羊腰腎

羹辛命賦之改之對寒甚願乞卮酒酒罷乞韻
時飲酒手顫餘瀝流於懷因以流字為韻即吟
云拔毫已付管城子爛首曾封關內侯死後不
知身外物也隨樽酒伴風流辛大喜命共嘗此
羹終席而去厚餽焉席散南軒邀至公廨置酒
語之曰先君魏公一生公忠為國功臣卮於命
來挽者竟無一篇得此意願君有作以發幽潛
改之即賦一絕云背水未成韓信陣明星已隕
武侯軍平生一點不平氣化作祝融峯上雲南

軒為之隋淚今龍洲集中不見此二詩豈遺之
邪又云稼軒守京口時大雪帥僚佐登多景樓
改之敝衣曳履而前辛令賦雪以難字為韻即
吟云功名有分平吳易貧賤無交訪戴難自此
莫逆云

李公山節汾州人也端平中朱湛盧復之使北
展覲八陵引李與王仲偕南李初任鄉郡節制
司幹官後任西山倅時正倅陳三嶼松龍會僚
友於多景樓賞楊妃菊令諸妓各持紙筆侍衆

官請詩李後至酒一行起背手數步吟云命委
馬嵬坡畔泥驚魂飛上傲霜枝西風落日東籬
下薄倖三郎知不知詞至精切或至閣筆

西山張侔芸窓有繡養娘者命蒼頭遞一羅帕
與館人劉啟之童偶遺之於地芸窓責劉即遣
去劉作詩謝張云夜深槌鼓醉紅裙半世侯門
熟稔聞自是東隣窺宋玉非關司馬捫文君蒼
頭誤送香羅帕簧舌翻成貝錦文幸賴老成持
定力一帆安穩過溪雲

李邦美過句容之邨鄉見酒肆粉壁明潔題云
青裙白面鬪挑菜茅舍竹籬踈見梅未及後聯
店翁怒曰我以此壁為人塗污方一新之今爾
又作俑也遂不書有客續至問翁翁悔之一日
李再過之翁請足成李笑取筆書云春事隔年
無信息一聲啼鳥喚將來往來知音皆愛之

寶祐甲寅江東多席有司行禮讓之典青詞末
聯云雖曰寅年之足或有數存去其乙字之威
尚祈神力蓋古詩有寅年足席狼之句傳謂席

威如乙字對屬甚工

京口韓香除夜請客作桃符云有客如擒虎無
錢請退之以其姓為對也

直北某州有道君題壁一詩云徹夜西風撼破
扉蕭條孤館一燈微家山回首三千里目斷山
南無鴈飛

曾聞海上鍊斗膽猶見雲中金甲神乃陸樞密
君實挽張郢州世傑詩也張公擁德祐景祥炎
興於海上各擁兵南北岸一夕大風雨皆不利

張覆舟而薨翌蚤獲屍棺殮焚化其膽如斗大
而焚不化諸軍感慟忽雲中見金甲神人且云
今天亡我關係不輕後身當出恢復矣此詩全
篇不傳忠義英烈雖亡尤耿耿也

僧本真號月湖半顛賦吳門上元云邱翁看了
上元歸正是西樓月落時諍道官衙好燈火不
知渾爾點膏脂微聞於郡守吳退菴遂命住虎
邱寺

有刺夏金吾貴云節樓高聳與雲平通國誰能

有此榮一語淮西聞養老三更江上便抽兵不
因賣國謀先定何事勤王詔不行縱有帑符高
一丈到頭難免賊臣名人謂北兵既至許貴以
淮西一道與之養老故戢兵不戰然宋當國者
處置失宜力詔貴及其子松上流策應又知正
陽失利松已死不能無憾又俾受孫虎臣節制
乃大不樂本無戰心況秋壑退師數十萬衆一
鼓而潰夏雖勇健亦何為哉

京口天慶觀主聶碧憲江西人嘗為龍翔宮書

記北朝赦至感而有詩云乾坤殺氣正沈沈又
聽燕臺降德音萬口盡傳新詔好四朝誰念舊
恩深分茅列土將軍志問舍求田老父心麗正
押班猶昨日小臣無語淚霑襟又哀被虜婦云
當年結髮在深閨豈料人生有別離到底不知
因色誤馬前猶自買胭脂又詠北婦云雙柳垂
鬟別樣梳醉從馬上倩人扶江南有眼何曾見
爭捲珠簾看鷓鴣觀中有趙太祖真容北來者
見必拜聶因題其上云鳳表龍姿儼若新一回

展卷一傷神天顏亦怪君非虜河北山東摠舊君

梁棟隆吉題茅峯云杖藜絕頂窮追尋青山世界開嶇嶸碧雲遮斷天外眼春風吹老人間心大龍升天寶劍化小龍入海明珠沉何人更守元帝鼎有客欲問秦皇金顛崖誰念受辛苦古洞未易尋幽深神光不破黑暗惱山鬼空作離騷吟安得長松撐日月華陽世界收層陰長嘯一聲下山去草木為我留清音隆吉以

戊辰登科任仁和尉老依元符宮宗師許道杞
許甚禮之且賙其家梁好嘲罵衆道士惡之遂
牋此詩告官以譏時逮捕金陵備嘗笞楚卒得
免亦終不偶而殂

吳履齋開慶之變再入相四明士子上詩來則
非邪抑是邪緣堤何必更行沙瑟當調處難膠
柱棊到危時見作家公論有誰能著脚事機至
此轉聲牙不如疊嶂雙溪下行對青山坐看花
言者附賈似道描畫彈劾貶循州而殂饒州士

熊某嘲之云近來西北又干戈獨立斜陽感慨
多雷爲元城驅劫火天胡丁謂活鯨波九原難
起先生死萬世其如公論何道過雕峯休挿竹
想逢宗老續長歌菊岩季苾祭以文曰潞公不
能不踈溫公不能不毀趙忠簡不能不遷寇萊
公不能不死爾民無福豈天奪之我士無祿豈
天厭之嗚呼後世而無先生者乎孰能志之後
世而有先生者乎孰能待之

永嘉余德鄰宗文與聶碧窓奕棊余屢北有賣

地僊丹者國手也余呼之至給聶云某有僕能
棋欲試數著不敢聶俾對枰連敗數局余自內
以片紙書十字可憐道士碧不識地僊丹聶大
笑曰我固疑其不凡

三山林觀過年七歲嬉游市中以鬻詩自命或
戲令詠轉失氣云視之不見名曰希聽之不聞
名曰夷不啻若自其口出人皆掩鼻而過之林
曾試神童科不甚達

三衢留中齋甲辰大魁文山宋瑞丙辰大魁中

齋作相身富富貴三十年仕北為尚書文山纔
登第丁父憂仕塗亦坎壈乙亥糾義兵勤王終
以罔功患難中倚之為重雖名為相黃扉之貴
萬鍾之奉無有也江西羅秋臺詩云嚙雪蘇郎
受苦辛庾公老作北朝臣當年龍首黃扉客猶
是衡門一樣人中齋物色將羅織之亟歸而免
薛制機言有賀自長沙移鎮南昌者啟云夜醉
長沙曉行湘水難教檣燕之留杜詩朝飛南浦
暮捲西山來聽佩鸞之舞王勃又有賀除直祕

閣依舊沿江制置司幹辦公事云望玉宇瓊樓
之邃何似人間從綸巾羽扇之游依然江表上
已請客云三月三日長安水邊多麗人一觴一
詠會稽山陰脩禊事又云良辰美景賞心樂事
四者難并崇山峻嶺茂林脩竹羣賢畢至姚橘
洲尹臨安時吳履齋拜相姚語諸客作啟賀之
商量起句彭晉叟云轉鴻鈞運紫極萬化一新
自龍首到黃扉百年幾見

陳雲屋嘲翟兄之姓云失足如何躍無光耀不

成若非身倚木為擢亦難行時翟館水南楊氏
蓋嘲其倚楊也

莫兩山傷丁氏故基題一絕於太虛堂疎雨斑
斑灑葉舟前山喚客作清游芳華消歇春歸後
野艸荒田一片愁文本心典淮都蕭條之甚謝
賈相啟中云人家如破寺十室九空太守若頭
陀兩粥一飯

蔣復軒鑷白髮詩云勸君休鑷鬢毛斑鬢到斑
時已自難多少朱門少年子業風吹上北邙山